

Klub SDP BIH
Zasupnica Belma Kapo
Sarajevo, 09.02.2025,

ZA:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Predsjedavajućeg Skupštine Kantona Sarajevo

U skladu sa članom 214, Poslovnika o Skupštini Kantona Sarajevo dostavljam:

Zastupničko pitanje

Pitanje postavljam Kantonalnoj upravi za inspekcijske poslove

Molim da mi dostavite informaciju da li je režim propisivanja lijekova Caffetin i Andol bio predmet inspekcijskog nadzora u proteklih 3 mjeseca?

Obrazloženje:

U zadnjih nekoliko dana brojni portali su prenijeli informaciju iz čijih se naslova stiče dojam kako je za navedene lijekove prilikom izdavanja u apoteci potreban recept.

U tekstu je navedeno da vaša ustanova vrši kontinuiran nadzor nad režimom izdavanja lijekova u apotekama.

Aktivnost u potpunosti podržavam, ali vas molim za informaciju da li su navedeni lijekovi odnosno režimi izdavanja bili predmet vašeg nadzora?

U Registru lijekova Agencije za lijekove i medicinska sredstva BiH navedeno je da nije potreban recept za ove lijekove.

Pretpostavljam da je došlo do pogrešne interpretacije od strane nekih medija.

Međutim, došlo je do nepotrebnog nemira među pacijentima i pojačanog dolaska ljekarima po recept koji im nije potreban.

Iz razloga objektivnog i tačnog informisanja molim vas da mi dostavite traženu informaciju ili o istoj obavijestite širu javnost putem saopštenja čime biste olakšali i pacijentima i zdravstvenim radnicima.

S poštovanjem,

Hvala

Belma Kapo